



სსიპ ბათუმის შოთა რუსთაველის
სახელმწიფო უნივერსიტეტი

12 თებერვალი, 2026 წ.

აკადემიური საბჭოს დადგენილება № 06-01/21

„ბსუ-ს პროფესიული საგანმანათლებლო პროგრამების დაგეგმვის შემუშავების, შეფასებისა და განვითარების უზრუნველყოფის წესის დამტკიცების შესახებ“ ბსუ-ს აკადემიური საბჭოს 2024 წლის 12 სექტემბრის №06-01/64 დადგენილებაში ცვლილებების შეტანის თაობაზე

„უმაღლესი განათლების შესახებ“ საქართველოს კანონის 21-ე მუხლის პირველი პუნქტის, ბსუ-ს წესდების მე-8 მუხლის, „პროფესიული განათლების შესახებ“ საქართველოს კანონის, „პროფესიული საგანმანათლებლო პროგრამის/მოკლე ციკლის საგანმანათლებლო პროგრამის/პროფესიული მომზადების პროგრამის/პროფესიული გადამზადების პროგრამის სამუშაოზე დაფუძნებული სწავლების ფორმით განხორციელების წესისა და პირობების დამტკიცების შესახებ“ საქართველოს მთავრობის 2022 წლის 09 აგვისტოს №416 დადგენილების, „პროფესიული საგანმანათლებლო სტანდარტის და მოდულის/მოდულების შემუშავების, განვითარებისა და დამტკიცების წესის განსაზღვრის შესახებ“ საქართველოს განათლებისა და მეცნიერების მინისტრის 2023 წლის 23 აგვისტოს №80/ნ ბრძანების და პროფესიული პროგრამების მართვისა და უწყვეტი განათლების ცენტრის დირექტორის სამსახურებრივი ბარათის (11/02/2026, MES9260000145204) საფუძველზე, აკადემიურმა საბჭომ

დაადგინა:

1. „ბსუ-ს პროფესიული საგანმანათლებლო პროგრამების დაგეგმვის, შემუშავების, შეფასებისა და განვითარების უზრუნველყოფის წესის დამტკიცების შესახებ“ ბსუ-ს აკადემიური საბჭოს 2024 წლის 12 სექტემბრის №06-01/64 დადგენილებაში შევიდეს ცვლილება, კერძოდ, N1 დანართის (წესის):

ა) მე-2 მუხლის („მუხლი 2. პროფესიული საგანმანათლებლო პროგრამის დაგეგმვა, შემუშავება და დამტკიცება“) მე-18 პუნქტის („18. პროგრამაზე სამუშაო ჯგუფი:“) „ე“ ქვეპუნქტი ჩამოყალიბდეს შემდეგი რედაქციით:

„ე) წინასწარ ახორციელებს შეთანხმებას პროგრამის განმახორციელებელ პირებთან/პროფესიული განათლების მასწავლებლებთან (პროგრამის მდგრადობის უზრუნველსაყოფად თითოეული მოდულისთვის განისაზღვრება მინიმუმ ორი განმახორციელებელი პირი). მოდულის განმახორციელებელთან წინასწარი შეთანხმება ფორმდება ბსუ-ს რექტორის ბრძანებით დამტკიცებული ფორმით (პერსონალთან გაფორმებული შეთანხმება თან ერთვის პროგრამის სამუშაო ჯგუფის მასალებს და პროგრამის დამტკიცების ინიცირების შესახებ სამსახურებრივ ბარათს);“;

ბ) მე-2 მუხლის („მუხლი 2. პროფესიული საგანმანათლებლო პროგრამის დაგეგმვა, შემუშავება და დამტკიცება“) **მე-19 და მე-20 პუნქტები** ჩამოყალიბდეს შემდეგი რედაქციით:

„19. სამუშაო ჯგუფის მიერ მომზადებული პროგრამა (ამ წესით გათვალისწინებულ მასალებთან ერთად) პირველადი შეფასებისათვის გადაეცემა ცენტრის ხარისხის მართვის მენეჯერს.

20. ცენტრის ხარისხის მართვის მენეჯერი უფლებამოსილია განიხილოს სამუშაო ჯგუფის მიერ წარმოდგენილი მასალები და მიიღოს გადაწყვეტილება თითოეულ საკითხთან დაკავშირებით, კერძოდ, გაეცნოს პროგრამის განმახორციელებელ პერსონალთან გაფორმებულ წინასწარ შეთანხმებებს და მოისმინოს ინფორმაცია უშუალოდ მათგან (მოითხოვოს საცდელი ლექციის/პრაქტიკული მუშაობის ან სხვა აქტივობის ჩატარება, შეამოწმოს სასწავლო მასალები და მატერიალურ-ტექნიკური ბაზა და სხვა), ასევე სამუშაო ჯგუფს მისცეს რეკომენდაციები პროგრამის სრულყოფისა და კანონმდებლობასთან შესაბამისობაში მოყვანისათვის.“;

გ) მე-3 მუხლის („პროფესიული საგანმანათლებლო პროგრამის შინაარსი“) **მე-3 პუნქტი** ჩამოყალიბდეს შემდეგი რედაქციით:

„3. პროფესიული საგანმანათლებლო პროგრამა მოიცავს სავალდებულო (ზოგადი, პროფესიული, კლინიკური და სხვ.) და არჩევითი სტატუსის მქონე მოდულებს. სავალდებულო პროფესიული მოდულების შეცვლის უფლება უნივერსიტეტს არ გააჩნია. არჩევითი სტატუსის მოდულების მოცულობა კრედიტთა საერთო მოცულობის 10%-ს არ უნდა აღემატებოდეს.“.

2. დადგენილება გამოქვეყნდეს ბსუ-ს ვებგვერდზე (აკადემიური საბჭოს დადგენილებების ველში), ხოლო კოდიფიცირებული „ბსუ-ს პროფესიული საგანმანათლებლო პროგრამების დაგეგმვის, შემუშავების, შეფასებისა და განვითარების უზრუნველყოფის წესი“ გამოქვეყნდეს ბსუ-ს იურიდიულ ცნობაში („საუნივერსიტეტო ნორმატიული აქტები“) და პროფესიული პროგრამების მართვისა და უწყვეტი განათლების ცენტრის რეგულაციების ველში.

3. დადგენილება დაეზავნოს ბსუ-ს მართვის ორგანოებს, ბსუ-ს ხარისხის უზრუნველყოფის სამსახურს, რექტორის მოადგილეებს, პროფესიული პროგრამების მართვისა და უწყვეტი განათლების ცენტრს, იურიდიულ დეპარტამენტს, საინფორმაციო ტექნოლოგიების სამსახურს, საქმისწარმოების სამსახურს (კანცელარია).

4. დადგენილება ძალაში შევიდეს ხელმოწერისთანავე.

5. დადგენილება შეიძლება გასაჩივრდეს კანონმდებლობით დადგენილ ვადაში და წესით ბათუმის საქალაქო სასამართლოში (ქ. ბათუმი, სტეფანე ზუბალაშვილის ქ. N30).

აკადემიური საბჭოს თავმჯდომარე,
რექტორი

ტიტე აროშიძე